

Lo voyadzo dè noše dè Moueri è dè Madèléna
=====

Parsonâdzo

Moueri	
Madèléna	: fena dè Moueri
Fred	:
Alinè	: fiancha dè Fred
Reyètè	: Patrona dè la Pinta
Fouestiné	: fena du gendârne
Julè	: klian dè la pinta
Milè	: Pouelisié
Loevi	: Dzoeyoeu dè kartè
Jèlinè	: Dzoeyoeuza dè kartè
Batista	: Klian tie ye lo journal

*Jean-Claude
Gleize
comad*

Berthe

*Joseph
Alain
Hilane*

Joseph

Batista (en pliant le journal) Mè fan sètche avoui hla politike

Moueri Tyin lè si rèvertcho ?

Jèline Mi...lè Batista, vora dzoeye se toe voeu dzoeye.

Moueri (Dzoeyè ein takonein su la tâbla) è bein la!

Loevi Mi kouemein ? Piora t'â rèfouezo atou.

Moueri Pâ, yé pâ rèfouezo.

Loevi Bein ! t'â rèfouezo.

Zèlinè Ouè ! t'â rèfouezo, t'a fotu bâ lo voue dè petiè su lo nel à mè, Rada.

Moueri (ayeno sè laivè) Lè to dè ruzè po pâ avain manka dè paye, krapa mein vouitè. Voue vaidè proeu tie vé arouevé a sa (7) pouetzè. E bein vardâ vouetro ardzin è dzoeye mimo. (Moueri bai son virè è sortè ayeno)

Loevi Tyin boyè yè lé. On poeu rein yi derè tie s'ayenè mein on pioeu borgno. E portan, mè seimblâvè tie l'ai refouezo.

Zèline Mè seimblâvè asoebin, mi avoui Moueri fau sè maufié por sein tie lè ruzo mein on réna.

Loevi Tiè ouè tie lè eindiablo, kan lè apri, sâ pâmi s'arété, la fena de vin malada dè radze. On gnadzo Madaléna d'a volu yi firè vargogn de ya porto dené a la pinta. Moueri l'a paso bâ la soepa, medja l triflè to t'èin dzoeyein, pouai l'a bouro lo panai u koin dè la tabla. è l'a kontoenoevo dè dzoeye. La fena dè enko ju pie ayenay

Fred (reintrè) Bondzo Reyète, bon viprè vo z'âtro, Mè mouezâva tie Moueri l'érè intiè, volé yi demandé on rensègnèmein.

Loevi Piora l'érè intiè, mi l'è partai por sein tie noe no sein tzipot po li kartè.

Reyètè Tornèrè proeu dèvan tie sai vouèrba einradja mein lè po li kart

Fred (a Reyètè) Se toe yi tèlèfonesè por mè tè payo so tie fau.

Reyètè L'a te lo tèlèfone, Moueri ?

- Fred Ouè, l'a mètu kan l'an nomo prèzidan di bitière.
- Zèlinè Kouemein sein, Prèzidan di bitière ?
- Fred Ouè, Prèzidan du sindika di vatzè.
- Reyètè E bein y'èproeuverai..(au Téléphone)..L'è te Moueri ? Ouè. l'è Reyètè dè la pinta dè la posta...L'è Fred tie voeudrai tè vè...Ouè Fred a Charle, Ouè, lè eintière...Ouè, Ouè...A toe di tie fau itrè dou po sè marié. Adon toe vin, u tiè...bon à bein a dè chan bokon.
- Zèlinè E bein, a no no fedrè proeu alé po pa no torné dépieté. (Loevi è Zèlinè baivon, payon è sorton.)
- Fred (ein s'asèyan) Porta-mè dou déci..na, trai déci, se yè enko Moueri tie vein.
- Reyètè (ein versan à bairè) Ti pouai mario Fred, di, lo tein tie l'an publèya li ban.
- Fred Joestamein, mè mario desando tie vin
- Reyètè A haa ! Sikou adon sarè, pâ po rirè..
- Fred Na, sikou lè désido, avoui Alinè, noe vein no marié.
- Reyètè E toe voeu Moueri po tèmoin ?
- Fred Na..lè pâ por sein tie vouai vè Moueri, mi vui kan sè mario lè aito bâ pè l'Italeyè firè lo vovadzo dè noše. E yo yé einvai dè firè parai. Adon toe komprein tie se Moueri poeu mè baye katiè rensègnèmein sein m'areindzèrai bien.
- Reyètè A ouè...portan m'a ju de on kou, tie se sai a rèfirè l'anmèrai sein (loo)yadzo mi alé innâ u mayein dè plâna bâ.
- Fred (au public) Lè drôlo, portan l'érè toe proeu éparo d'itrè aito bâ pè l'Italeyè, a Milan, Florence, è ma ju de tie l'érè fran tra bitie dè pâ savai nadje por sein tie l'érè aito u bor dè la mè mi tie l'ai to joesto pochu sè lavé li pia.
- Reyètè Enfin!.. toe vari proeu kan l'aruvèrè. (l'aruvè Moueri salue Reyètè è Fred.)
- Fred Vin sedatè yé dza kouemando on viro por tè.
- Moueri Lè te po dzoeve i kartè tie toe m'a fi vèni (avec sourire)
- Fred Na, lè pâ por sein tie volé tè vè.
- Moueri (en reculant d'un pas) Portiè adon?
- Fred Toe sâ tie vé mè marié desando tie vin ?
- Moueri Ouè, la fena de ma de sein a mèdzo.
- Fred E bein n'ein désido avoui Alinè de firè lo voyadzo de noše bâ pè l'Italeyè.

- Moueri E tie yé-te afirè yo avoui vouetro voyadzo dè nošè. Ein tieo ka bâ pè l'Italeyè sai pâ prè dè torné. Se sai a rèfirè yéré to simplamein innâ u mayein dè Plâna bâ.
- Fred Toton, toton, lè bio l'Italeyè. Yè bien dè tzouzè a vè, è pouai lè p tchè.
- Moueri Sai d'ako avoui tè, mi... (au public) mein fedrai-te derè. (a Fred) petittrè ein alein solè.
- Fred Oeu, oeu, éspлека-tè
- Moueri Ye pouai pâ t'épleské, lè tra konpleko, n'ein tra ju d'étzanbalè.
- Fred Mi, enfin... vouitè po torno a maison lo mimo dzo. Voué kanmimo tro vo plaizein. è voué droemai on ni ein n'Italeyè.
- Moueri Noe sein sobro voue dzo è n'avin préyu dè sobré tyinzè dzo, toe poeu konté se n'ein trovo plaizin.
- Fred Tè kompreinzo pâ.
- Moueri Yé jamein volu derè a gnon min sein s'érè paso nontro voyadzo dè nošè. Fau derè tie n'ein ju ein partein on n'einmèrdèmein tie no za to fotu ein lè. Vouai proeu tè derè, mi mâlou a tè se toe vardè pâ sein por tè.
- Fred D'akâ, tè promèto. Reyètè, porta no enkô trai déci. (Riette porte à no enkô trai déci. (Riette porte à boire et sort avec un panier vide)).
- Moueri (en s'asseyant) ils trinquènt) E bein, volâ, pouo einrèye vouai tè derè so tie no z'a kompleko si voyadzo: La bèla mirè de no z'a pâ tyito dè n'a sèmèla to lo lon du voyadzo.
- Fred Pâ ' toparai ?.. La bèla mirè ein voyadzo dè nošè avoui vouo?.. è non dè sâ dè merda.
- Moueri Lè deinsè. Mi atein on bokon tie tè deyeso kouemein. (Moueri rega de autour de lui si personne écoute) Lo dzo tie noe sein partai la bèla mirè d'a de: yo vé avoui vouo tan tiè a Martegne pouai v d'utrai dzo ein plan Sereje pouo lèvé li vegnè. Bâ a la gran gar de no z'a aidia a transbüté li valizè su lo train dè Brega (Rie rentre avec le panier) E d'arétavè pâ dè firè dè rèkouemandachon a la fenè: Toe tè vèdèri soce, toe tè vèdèri sein, tie to d'on kou lo train sè mètu ein martze. D'a proeu tan visto éprouvau dè soeuté bâ mi dè ju tra tâ. (Reyètè sè mè a rirè.) (Moueri sè lèvé d'on kou) Toe Reyètè, tie t'â a rirè. Vède-tè, di rein a gnon atra mein torno pâ porté li pia ein tche tè, t'â komprai ?..
- Reyètè Vouè yé komprai, pâ manka d'avai pouaire toe poeu kontoenoevé ta konta.
- Moueri Apri sein lé, n'ein sondja tie d'arai pochu torné ein darai di Chon. Mi. lo kontroloeu no z'a de tie lo train l'érè sein z'arè t tiè a Brega.
- Fred A m... malou dè malou !
- Moueri Adon mon pouro tè noe sein ju ésarvadja dè n'a mouda. La bèla mi d'a einrèya a šoesi mein n'a dzenedè tie de tyoeuvè li kokon. A Brega n'ein pâ pochu la firè torné ein darai. A kauza tie de saï pâ on mo d'aleman de sè kontâvè pardioua. La fena yin n'a fi ma

n'ein pouai kontoenoevo lo voyadzo dè nošè tieo trai einseimblo

Fred Si kou einrèya a kompreindrè, o la la la la!

Moueri Adon no z'a fadu ko preindrè on beyè du train pouo la bèla mirè
E stase de s'érè joesto fotu on mouè dè manti su on foeuda è on
motchoeu dè tita gno dézo la meinton. Toe vai on mouè la fason
tie d'ai ?.

Fred Vouè, vouè vayo a poupri, o la la la la...

Moueri A boue dè n'a vouèrba la bèla mirè m'a fi uvri la fenitra pouo
avai on mouè d'è. Ein mimo tein lo kontroloeu l'aruvè è no fouo
n' poebau: s'oudè-mè hla fenitra, frai mein fi dèfoura. N'ein pouai
sou. La bèla mirè avoui dè gro jouai d'a de: Vouo mouezâ-vouo tie
farè mèdou dèfoura vora tie n'ein sou la fenitra. Lo kontroloeu
l'a sakou li z'épalè pouai lè partai.

Fred (enriant) Voué diu rirè kanmimo.

Moueri Enfein si dzo lé noe no sein aréto a Milan. No, n'avin rèzarvo la
tzambra, mi pouo la bèla mirè yérè pâmi dè place. Adon yan mètu
matèla dein lo cabouitzon di z'afiro, kontrè lo foua. M'a fadu y
prété n'a tzemize. N'érin tan lagna tie n'ein pâ trénaou vouèrba
dèvan tie d'alé a la tyeutze. N'ein pâ ju tiau lo foua, tie n'ein
avoui piaye pè l'ayoeu. Pâ mankau l'ai prai foua pè n'a borna dè
la kouezena è lo vèyoeu dè ni l'a ponblo u cabouitzon preindrè
on ésteintoeu. La bèla mirè sè mouezaye tie lo tipe volai l'in
mardé. De sè mètioua a firè dè kri è ponblé pè l'ayoeu (en se le
vant) Se toe l'ésè yuva, avoui ma tzemize tra kouerta è pouai en
feindioua di dou bie. L'alure tie d'ai ? (Fred et Riette rient
(Jules rentre et salue tout le monde)

Reyète Bon viprè Julè.

Julè Va toe bien don, Riètè ? Mè seimblè tie vouitè to dié per intie.

Revètè Ouè, avoui si Moueri on n'è ubledja dè rirè.

Julè E bein porta mè on viro de rodzo. (sè virè du bie dè Fred.) Ado
Fred, parè tie toe vâ tè marié?

Fred Ouè, mè mario desando tie vin..

Julè Bein, se toe fi on voyadzo dè nošè, toe fari pâ mein Nète a Djan
avoui la fena. Yui lè aito in voyadzo a Dzènèva, è la fena a Lau
zana por sein tie ye dè dza yu Dzènèva on par dè yadzo. (ils ri
tous de bon coeur.)

Fred Firè lo voyadzo dè nošè solè...fau itrè on mouè fou.

Moueri A mein itrè dou. (a Fred) mi...pâ dèploè (Fred approuve de la têt
Jules finit son verre et s'en va en saluant) Fred et Moueri ré-
pondent au salut.)

Reyètè Borani Julè, merci (Fred et Moueri trinkon)

Moueri Yo n'éron sobro (in sè gratin la tita) A, Ouè...Apri lo prèmiè ni
n'érin tieo tan lagna è indroemaï, tie noe volin gnon sorti. E
portan apri dené la fena volaï fran alé adzeté on tzapi pouo l
bèla mirè, por sein tie avoui si motchoeu gno dézo lo minton dè
tra l'è marnâye. Nin pouai décido dè parti firè la torno di ma-

gazin pouo yi trové on tzapi. U bè dè na vouèrba n'in yu on bazé yo vindan dè tzapi. Mi la bèla mirè d'érè pâ abituaye a l'ardzir étaleyin, ka d'a yu marko su lo tzapi trinta mele, d'a vreyà li soeulè, no za fadu la porté su on ban è yi fotrè n'a pata mouva su la tita è on fiolon dè sèpâ tiè pè dézo lo nâ. Apri on oeura u dâvouè, tzapou n'in pochu rintré a l'otel, avoui on tzapi d'oké jon la mètia tra gro. Fran la forma dè n'a šotze. Kan noe volin prèdje a la bèla mirè no fadivè no mètrè prèstiè a dzonèdon dèvan.

Fred O la la la la (ils rient) Arruvè Madèléna fena dè Moueri) Ils se saluent.

Madèléna Tie toe fi Moueri ðe deinsè? Mè mouezâvè proeu tie toe dzoeyevè i kartè ?

Fred Pâ, pâ n'in dzargato tota la veyà.

Moueri Toe dévinèri jamin dè tiè n'in diskuto ?

Madèléne Dieu sâ...

Moueri E bein vin bairè on viro avoui no.

Reyètè Madèlena, bai toe dè vin ?

Madèléna Ouè, ouè por on gnadzo. (ils trinquent)

Moueri E bein Madèléna tè fedrè pâ m'in volaï, mi avoui Fred n'in diskto dè nontro voyadzo de nošè.

Madèléna (geste ridicule) T'â pâ konto a Fred totè li z'étzambalè tie n'ju bâ pè l'Italeyè ?

Moueri Pâ fran to, na... na...

Fred *File pè de hloeu san hono tan derè a gnor*
E yo non ploe toe poue itrè trantyla.

Madèléna In tieoe ka, eureuzamein tie n'in pochu alé no rèpozé n'a senâna innâ u mayen du min tie papa è mama sè boudâvon a maïson. Mi sa enkô ubledja dè rirè kan sondzo u tzapi a mama, u bin un sekoni a Florence, t'ari proeu tô konto ?

Moueri La konta du tzapi ouè, mi lo sekoni di nošè di pie toe min n'in paso drâlo.

Madèléna Hloeu dzo adon prèdjevon brâmeïn dè la mafia de hlè bindè dè Sisilien, è mama d'érè tota épouerdaitè avoui sin. Si ni lé noe sin aito droemi kratie apri soepé. Avoui Moueri noe sondzin prè d'itrè trantylilo. Mi noe sin pâ ju katcha a la tyoeutze tie l'a takono a la porta. N'in fotu n'a rèkampe. Pouai Moueri lè aito uvri la porta. A maleu tyinta sopraisa ! L'érè te pâ mama tota inrélaye. Adon de di in segoté: Saupli Moueri, m'innoya tra solèt voeudré droemi avoui vouo.

Fred Pâ toton mama avoui vouo a la tyoeutze lo skon ni di nošè.

Madèléne E portan, yin n'é ju pedia, l' pouaï praï avoui mè a la tieoeutze è Moueri sè étindu pè tèra su lo tapi.

Fred Soce lè n'a konta impouesibla, ye pouai pâ krirè, A la la la la
Moueri

- Moueri E portan lè dinsè tie li tzouze de sè son pasi.E lo lindèman matin tè deyo proeu se yéso pochu saré partaï a maison a pia
- Fred In tioe ka,yo sèpâ se yaré tenu lo kou.
- Moueri Tèni lo kou u pâ,mi si ni lé,to joesto se la fena mè fazai gel: geli dè tin zin tein bâ pè lo kotzon.
- Madèléna Ah!... kan sondzo a sin,mè vin pouo rirè è vargogne in mimo tin (le téléphone sonne.)
- Reyètè (rèpon)Allo...ouè,ouè lè intie,atin on bokon:Fred,l'è por tè.
- Fred (prin lo tèlèfone)(sè botonè lo palèto,sè pegnè) Volà Fred.. A...le Alinè.Yéro in trin dè mè firè éspleké a Moueri è Madèlé na so tie yérè a firè por alé in n'Italeyè,lou son aito bâ pè l'Italeyè in voyadzo dè nošè.Vin baire on viro avoui no ... A, bin vin kan t'a fouernai,bon a dè chan bokon.
- Moueri Toe fari rin vè a Alinè,d'a rin manka dè savai totè hlè z'anèr
- Fred Na na fi tè pâ dè souci,yi deyo tie sai u korin dè to so tie f pouô firè lo voyadzo de nošè.
- Madèléna T'â pâ konto a Fred,l'afiro de hla pètase tie de tè vortoyevè uto lo dzo tie sai aitaye a la coifeuza?
- Moueri Na,yé sondja tie t'in n'aré ju on mouè gro.
- Madèléna Tièstè taberlo,tie sin mè fi te ?Toe poeu proeu yi conté,dè sin m'in foto.
- Moueri Adon se sin tè fi rin pouai firè la conta.Sein lè la vède tie noe tornin a maison,la fena volai sè firè n'a bioto,arindje on mouè li paï,lavé la tita,è pouai m'in fan la bona partia di ma rénè sè patchoulé on mouè la fediura,enfin de volai sè firè bèla ?Adon l'é accompagna tan tiè u sâlon dè coifure,pouai l'é atindu dèvan on câfé apoupri in face.Yé kouemando n'a biera pouai yé ayo n'a pipo.Lè rin aito vouèrba tie l'aruvè n'a gayarda è de sè chètè su mi dzonè !...Yé de:Eu..tzâpou,tzâpou. mi dzonè lè pâ lo siége d'on par dè katiairè...D'a rin fi dè k d'a inrèya a mè karèche,pouai de m'a demando on petiou vitro. Bon yé de se lè tiè sin,yé paya n'a letioeu,mi...lè pâ sin tie de volai hla savata,astikâya min on n'évarè.Toe komprein de volai mè firè alé in tche ye.De sè de sice lè on Suisse lè plin d'ardzin,mi mè sai pâ lacha prindrè.Yé kanmimi fi simblar dè la martchandé:yé de tie y'avé pâ d'ardzin su mè.D'a inrèya s'ingrindje.Adon yé notro dou dran.A...mon Dioe...la rekampo tie d'a fotu,mè sai mouezo tie d'alâvè mè sokaté.Tè garanto ti mè sai lèvo d'on kou,pouai yé takono du poin su la tâbla,bin d'a kompraï... Mi in partin de m'a to kreyo tiè brâvo.Yé pâ rèpondu,è mè sai torno chèté.
- Fred Bin,..t'â resko d'avai n'a drôla dè senegouda,o la la la la.
- Moueri Atin,lè pâ fouernai!
- Fred Pâ toton ?Dioe sâ tiè enko?

- Moueri Adon la fena dè arouvaye noe no sin pouai émodo pouo rintré a l'ôtel. Mi n'avin a péna fi (loo) sin métrè tie la trénase tie de m'ai inmardo n'a vouèrba d'érè te pâ su lo trotouè d'in face E de m'a rèkognu, pouai de m'a kreyo a gordze déplèya: è bâ lé lc modzonai dè suise, toe vai so tie t'a trovo avoui ti dou fran.
- Fred A!...la broeta dzin, sin l'arai fadu yi lèvé li kamezoulè pouai bien la fouaté avoui on varbépin.
- Moueri Eureusamin la fena d'a rin komprai. Mi bin chuire tie apri yé t'c éspleko kouemin.
- Madèléna A!...bin tè garanto tie yé bien ri. (Ils trinquent en riant)
- Alinè (rintrè) Borani a tie. (geste de la main)
- Tioe (rèpondon) Borani ti bien vègnoua.
- Reyètè (vin yi totche la man) félesetachon d'abo tie toe va tè marié.
- Alinè Gran maci Reyètè
- Fred Tie toe bai Alinè?
- Alinè min vouo. (Reyètè portè on viro) (Ils trinquent tous ensembles)
- Alinè (a Fred) Adon ? ti u korin dè totè li démartzè tie yè a firè por alé bâ pè l'Italeyè?
- Fred Ouè, ouè, lè in n'odrè, fi tè pâ dè souci.
- Alinè E bin sai kontinta. Mè mouezavo proeu jamin tie fadivè on komer. ce paraï po sè marié. Toe...se on chuisè to dèvan sèpâ se on n'useraï s'imbantche.
- Moueri Oeu ! Oeu !. Voue varai, lè plaizin è vito paso.
- Fred Toe vaï, Alinè. (rintrè l'agen dè pouelice Tioe rèkampo)
- L'Agent (a Reyètè) Toe manké pâ dè toupè, toe Reyètè. Yè paso on oeura tie la pinte devrai itrè soute, lè d'abo mie-ni.
- Reyètè (épouerdait) fedrai no z'éskouesé mi n'in volu fité lo mareya-dzo dè Fred avoui Alinè.
- L'agent (a Fred) A toe ti on champion, toe t'in fouo pâ mau du réglèmin
- Moueri Voua, voua, tè fau pâ t'ayené po on u dou viro tie n'in biu, n'in pâ fi dè mau a gnon.
- L'agent Pâ fi dè mau, pâ fi dè mau, voue kognetè pâ la louè u tiè ?
- Madèléna (vi mè la man su l'épala.) Alè, vin bairè on viro avoui no pouai apri noe no retirin tieo insimblo.
- Reyètè Binchuire, Madèléna d'a raizon, lè yo tie payo, è pouai voue sort. tieo pè darai to trantylamin sin firè dè bri. (Reyète portè a baire)
- L'Agent Yé jamin biu on viro pindin lo sarvicho, mi pouor on kou pouai trinké avoui vouo, mi atinchon on viro l'è on viro, lè pâ dou.

- Fred E bib, bravo !...toe a min ti pâ on sarvâdzô. Toe komprin li dzi
(l'agent vide le verre, Fred rempli à nouveau. L'agent boit verre sur verre, mais chaque fois c'est le dernier.)
- l'Agent (chancelant) Voue vaidè tie sai pâ on n'émapo, mi avoui mè fau pâ dzeye i malin pouor sin tie sai pâ on krétin. A mè yè rin tie mè pâsè intrè li dai, vaiyo to, y'avouiyo to. Avoui mè fau p firè dè sindzèri atramein maloria ! Vouin n'é jamin ju on pasé din mi patè, atramin voue trimblèri dè pouaire. Eureusamin tie tankora yè gnon tie l'a uzo mè firè on kroué kou, in ? (il se retrousse les manches en montrant ses poings.)
- Fostine (Faustine rentre à ce moment, le policier est fourdroyé)
A lè deinsè tie toe fi tan d'oeurè supléméterè, espèce dè sou-lon, dè krânatzon. Fedrai tie lo prèsidènt vèyesè min lè si tie dai firè respètè la louè.
- l'Agent Oeu ! Oeu !. Fostinè, kalma-tè saupli. Toe komprin yé diu bairè on viro a kausa du mareyâdzô dè Fred à Alinè.
- Fostine A...bein toe vâ bien, toe poeu prindrè n'a kouaïte sai u sa (6 ou 7) ni pè senanè se lè din lo réglèmin.
- l'Agent Pouô Fred lè on ka a pâ. Yui lè asoebin fonchonéro dè la kouemouena , le kroke-mâ....
- Fostinè Bin noe sin rèfi din la kouemouena avoui dè fonchonéro min vouo dou. Fau pâ s'étoné se to va tan mau.
- Fred (en se levant) Oh ! Oh ! Fouestinè ! atinchon so tie toe di, sin porai tè koté tchè....
- Fostinè Ouè, toe fari rapô u pouelison mi t'atindri à dèman, por sin tie a ni lè yo tie m'in n'otyupo (elle le prend par le collet et le sort. moment de silence, tout le monde se regarde en hochant la tête.)
- Fred E bin lo pouro poueliciè l'a pâ grâ pè la baraka, pâ to drôlô se sè kouaïtè noeu (9) ni pè senânè.
- Moueri Frantzemin nontro voyadzo dè nošè l'a pâ fouernai dè provoké dè mâlou.
- Fred Vouo mouezâ-vouo tie farè rapô?
- Reyètè Tiaïstè bon infan tie ti, dèman sè sovindrè pâmi dè rin (tous rient).
- Fred Bon, por no vora lè to réglo. Noe partèrin in voyadzo dè nošè desando ni, in Alinè ? è n'é rin pâ in-nâ u mayin.
- Alinè Na, n'é rin bâ pè l'Italeyè pouo trai senâne.
- Madèléna Noe vouo souhaitin bon voyadzo è bien dè plaizi.
- Alinè Bien gran maci.
- Fred Gra maci assoebin pouo li rensègnèmin tie voue no z'é baya.
- Moueri Lè la mindra kan on poeu rindrè sarvicho sin fi plaizi. Mi mè rèkouemando voue deraï rin a gnon dè sin tie voué avoui a ni Por sin tie la bèla mirè lè n'a bona maréna mi se sai a rèfi